



Tajland Bangkok i Koh Phangan 12 dana

11. juli 2020. - 22. juli 2020.

12 dana - 8 noći

“ Vrijeme je za Tajland! Bangkok putovanje u kombinaciji sa najopuštenijim ostrvom kao što je Koh Phangan. Ovo putovanje na Tajland, zemlju osmjeha, obilježit će obilazak hramova, dobar noćni život, budizam i nestvarne plaže.

Prvo kreće Bangkok iskustvo – “grad anđela” koji je kombinacija New Yorka upakovanog u istočnjačku filozofiju, paprene mirise i drugačiju atmosferu... Grad u koji ćete sigurno poželjeti da se vratite.

Naredno iskustvo sa Tajlanda dat će nam ostrvo Koh Phangan, ostrvo koje u toku noći predstavlja ostrvo žurki i provoda, a u toku dana se pretvara u oazu mira...

Tamo možete naći:

- neistražene plaže
- ljuljaške na visokim palmama iznad vode
- ronjenje
- vožnja skuterima
- kupanje u vodopadima
- spuštanje zip-line-om kroz džunglu

Ovo putovanje osmislili smo za sve one avanturiste željne istraživanja, one koji vole jogu i meditaciju, vole upoznavanje kulture i prirode uz odmor na nekomercijalnom ostrvu na malim plažama i uvalama. Provod je neizostavan na čuvenim žurkama punog mjeseca (Full moon party) po čemu je ovo ostrvo i

poznato.

”



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Plan i program

Dan 1: Polazak iz Beograda

Sastanak na aerodromu "Nikola Tesla" u Beogradu dva sata prije leta. Let za Dohu i konekcija na let za Bangkok.

Prevoz

Avio karta sa svim taksama na relaciji Beograd - Bangkok, u ekonomskoj klasi

Mesto

Beograd

Dan 2: Bangkok - "Grad anđela"

Dolazak u **Bangkok**. Transfer do smještaja lociranog u centru Bangkoka, blizu čuvene ulice za backpackere – Kao San (Kao San Road). Putovanje je počelo, upoznajemo se sa urbanom džunglom. Bangkok - "Grad anđela"- pruža vam potpuno novu dimenziju postojanja, nešto sasvim drugačije od svega što ste do sada doživjeli. Grad nalik New Yorku, upakovan u istočnjačku filozofiju, paprene mirise i drugačiju atmosferu. **Noćenje.**

Prevoz

Transfer od aerodroma do hotela

Smeštaj

Trang Hotel (1 noć)

Mesto

Bangkok

Dan 3: Train market i plutajuća pijaca

Dan za fakultativni izlet – MaeKlong Train Market i Plutajuća pijaca. Obilazimo Train market taman na vrijeme da vidimo kako voz kreće iz stanice i prolazi tačno kroz sredinu pijace. Prodavci ubrzano podižu tende i sklanjaju sve što smeta vozu da prođe. Voz odlazi, a mi razgledamo i kupujemo raznovrsno voće, povrće, cvijeće... Iza ne tako poznatog naziva Damnoen Saduak stoji jedna od najpoznatijih atrakcija Tajlanda – plutajuća pijaca. Na oko 100 km jugoistočno od Bangkoka nalazi se malo trgovačko mjesto ispresijecano kanalima izgrađenih još u XVIII vijeku. U duhu starih tajlandskih zemljoradnika krećući se čamcem kroz zelenkastu vodu polako se približavaju trgovci sa raznolikim ponudama. Starice sa slamenim šeširima uz osmijeh nude najrazličitija jela, poslastice i sokove od egzotičnog voća na isti način kao i stotinama godina unazad. Povratak u Bangkok. **Noćenje.**

Smeštaj

Trang Hotel (1 noć)

Hrana

Kontinentalni doručak × 1

Fakultativni izleti

Plutajuća pijaca i MaeKlong Train Market

Dan 4: Obilazak Bangkoka

Budimo se i krećemo na fakultativni izlet - Kraljevska Palata čija je izgradnja započeta 1782. godine, tokom vladavine kralja Rame I, osnivača Čakri dinastije, a potom postaje kraljevska rezidencija. U okviru Palate smješten je i Hram Smaragdnog Bude, najveća tajlandska svetinja, figura Bude isklesana od zelenog žada. Potom posjećujemo Hram Zore (Wat Arun), Hram Ležećeg Bude (Wat Pho) sa ogromnom statuom dužine 46 metara i visine 15 metara, koja predstavlja prelazak Bude u nirvanu. Popodne nastavljamo do Golden Mount-a (Wat Saket) sa koga se pruža pogled na stari dio grada. **Noćna vožnja (autobus).**

Prevoz

Transfer autobusom od Bangkoka do luke

Hrana

Kontinentalni doručak × 1

Fakultativni izleti

Obilazak Bangkoka (Bangkok City tour)

Dan 5: Ostrvo Phangan

Dolazak u jutarnjim satima u luku, gdje se ukrcavamo na brod kojim se vozimo do ostrva Phangan. Stižemo na ostrvo u luku Tong Sala, transfer do smještaja. Kupanje, masaže, prelijepa plaže, bijeli pijesak, tirkizno, toplo more, fenomenalni zalasci sunca i izleti do obližnjih ostrva učinit će da se osjećate kao u raju. **Noćenje.**

Prevoz

Transfer od Thong Sala Pier luke do hotela na Koh Phanganu

Transfer do Thong Sala Pier luke na ostrvu Phangan

Smeštaj

Haad Yao Bayview Resort and Spa (1 noć)



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Dan 6: Uživanje na ostrvu

Dan za fakultativni izlet i upoznavanje ovog neobičnog i posebnog ostrva – obilazimo plaže, uvale, prevlake i unutrašnjost ostrva. Neobične plaže, ljuljaške iznad sitnog pijeska, vodopadi i jahanje slonova. Vrijeme rezervisno za uživanje. **Noćenje.**

Smeštaj

Haad Yao Bayview Resort and Spa (1 noć)

Hrana

Kontinentalni doručak × 1

Dan 7: Koh Tao

Fakultativni izlet na Koh Tao, ostrvo kornjače i penjanje na čuvenu stijenu iznad prevlake koja povezuje dva ostrva. Zelena i plava boja dominiraju nam ispred očiju, a mi uživamo u pogledu. Povratak na Pangan. **Noćenje.**

Smeštaj

Haad Yao Bayview Resort and Spa (1 noć)

Hrana

Kontinentalni doručak × 1

Fakultativni izleti

Ostrvo Koh Tao i Nang Yuan

Dan 8: Local adventure

Fakultativni izlet - jahanje slonova (elephant trekking). Imat ćemo prilike da jašemo slonove okruženi nevjerovatnom vegetacijom ovog ostrva. Za one hrabrije i željne avanture mogućnost vožnje zip line-om. Povratak u smještaj. **Noćenje.**

Smeštaj

Haad Yao Bayview Resort and Spa (1 noć)

Hrana

Kontinentalni doručak × 1

Fakultativni izleti

Authentic Local adventure - Koh Phangan

Dan 9: Anghdong Marine nacionalnog parka.

Slobodna dva dana za uživanje na Phanganu. Upijamo energiju ovog ostrva, vozimo se motorima, jedemo kokose, posjećujemo lokalnu pijacu i probamo lokalne specijalitete. Mogućnost fakultativnog izleta do Anghdong Marine nacionalnog parka. **2 noćenja.**

Smeštaj

Haad Yao Bayview Resort and Spa (1 noć)

Mesto

Ostrvo Phangan (Koh Phangan)

Hrana

Kontinentalni doručak × 1

Fakultativni izleti

Anghdong National Marine Park

Dan 10: Transfer od luke do Bangkoka

Napuštamo smještaj, transfer do luke. Odlazimo sa ostrva oko podneva. Vožnja brodom, zatim autobusom do Bangkoka. Dolazak u Bangkok u kasnim večernjim satima (poslije ponoći). **Noćenje.**

Prevoz

Transfer od hotela na Koh Phanganu do Thong Sala Pier luke

Transfer od Koh Phangana do Suratanija

Transfer od luke do hotela

Smeštaj

Trang Hotel (1 noć)

Mesto

Bangkok

Hrana

Kontinentalni doručak × 1



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Dan 11: Posljednji dan na Tajlandu

Napuštamo sobe u prijedopodnevnom satima. Posljednji dan u glavnom gradu Tajlanda. Kupujemo suvenire, ispijamo još neki Chang ili Singhu, osjećamo ljetinu tom yum supe, grickamo pad thai na ulici i opruštamo se od zemlje osmijeha. Večernji transfer do aerodroma. Let iz Bangkoka za Dohu.

Prevoz

Transfer od hotela do aerodroma

Hrana

Kontinentalni doručak × 1

Dan 12: Kraj putovanja

Dolazak u Dohu. Presjedanje na let za Beograd. Dolazak u Beograd. **Kraj putovanja!**

Prevoz

Avio karta sa svim taksama na relaciji Bangkok - Beograd, u ekonomskoj klasi

Mesto

Beograd

Cene i uslovi

Smještaj
Smještaj u hotelima **/****
Šta je uključeno
<ul style="list-style-type: none">• Organizovan prevoz• Povratna avio karta sa svim taksama na relaciji Beograd - Bangkok, u ekonomskoj klasi• Svi transferi od aerodroma do smještaja, od smještaja do aerodroma i između gradova prema planu i programu puta• Kompletna organizacija i usluge predstavnika agencije na destinaciji• Smještaj u dvokrevetnim sobama na bazi 3 noćenja sa doručkom (kontinentalni doručak) u hotelu **/**** po lokalnoj kategorizaciji u Bangkoku• Smještaj u dvokrevetnim sobama na bazi 5 noćenja sa doručkom (kontinentalni doručak) u hotelu **/**** po lokalnoj kategorizaciji na Koh Phanganu
Regularna cena
2.380,00 BAM
First minute cijena
Važi za prijave do 11.05.2020. godine
2.180,00 BAM

Nije uključeno

- Fakultativne izlete i ulaznice za kulturno historijske spomenike
- Viza za Tajland sa jednim ulaskom (180,00 KM sa uslugom viziranja)

Uslovi plaćanja: Prilikom prijavljivanja plaća se 200 KM. Ostatak sume plaća se u agenciji, u konvertibilnim markama, a najkasnije 6 sedmica pred put.

Prijavljivanje: Preporučujemo ranije prijave jer je broj mjesta ograničen. Prilikom prijave potrebno je dostaviti skeniranu prvu stranu pasoša, u suprotnom agencija ne snosi odgovornost od štampanja avio karata sa pogrešnim imenom. Prijava je validna jedino uz uplatu avansa. Dokumenta za vize potrebno je dostaviti najkasnije mjesec dana pred put. Ukoliko putnici ne dostave dokumenta za vize u navedenom roku, dužni su da sami obezbijede vize za putovanje. Ukoliko putnici sami pribavljaju vize, dužni su da kopiju vize dostave do 15 dana pred put.

Fakultativni izleti

Plutajuća pijaca i Maeklong Train Market

Cijena: 45,00 EUR

Polazak iz hotela u ranim jutarnjim satima. Stižemo na pijacu na pruzi taman na vrijeme da vidimo kako voz kreće iz stanice i prolazi tačno kroz sredinu pijace. Prodavači užurbano podižu tende i sklanjaju sve što smeta vozu da prođe. Turisti i kupci se trčećim korakom pomjeraju kako bi šine ostale oslobođene za nesmetan prolazak voza. Čuje se glasna sirena kao signal i svi uzbuđeno stojimo i čekamo. Voz nailazi, mašemo putnicima iz voza, kao i oni nama. Čim ode voz, vraćamo se detaljnom razgledanju pijace i kupovini raznovrsnog voća, povrća, cvijeća, mesa i ribe. Ova linija saobraća svakodnevno po nekoliko puta na relaciji Meaklong – Banlaem, a sama vožnja traje oko 90 minuta. Polazak na plutajuću pijacu „Damnoen Saduak“. Iza ne tako poznatog naziva „Damnoen Saduak“ stoji jedna od najpoznatijih atrakcija Tajlanda – plutajuća pijaca. Na oko 100 km jugoistočno od Bangkoka nalazi se malo trgovačko mjesto ispresjecano kanalima izgrađenih još u XVIII vijeku. U duhu starih tajlandskih zemljoradnika, krećući se čamcem kroz zelenkastu vodu, polako se približavaju trgovci sa raznolikim ponudama. Starice sa slamnatim šeširima uz osijmeh nude najrazličitija jela, poslastice i sokove od egzotičnog voća, na isti način kao i stotinama godina unazad. Nakon vožnje čamcem imaćemo malo slobodnog vremena da prošetamo i kopnenim dijelom pijace. Povratak u hotel u kasnim popodnevnom satima.

Cijena izleta obuhvata:



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

- stručnog licenciranog vodiča na engleskom jeziku
- organizovan prevoz po predviđenom itinereru
- vožnju čamcem
- ulaznice za sve lokalitete navedene u programu

Obilazak Bangkoka (Bangkok City tour)

Cijena: 70,00 EUR

Na ovom izletu ćete imati priliku da vidite sve najbitnije i najljepše znamenitosti grada Bangkoka, a ovo je planirani itinerer: Polazak iz hotela u jutarnjim satima i transfer do Kraljevske palate (Grand Palace) i Hrama Smaragdnog Bude (Wat Phra Kaew). Kraljevska palata predstavlja najveću turističku atrakciju u Bangkoku. Kratka šetnja do sljedećeg lokaliteta - Hrama Ležećeg Bude (Wat Pho). Ovaj hram se nalazi odmah pored Kraljevske palate i jedan je od najstarijih i najvećih hramova u Bangkoku sa površinom od 8 hektara. Ovdje možete vidjeti preko 1000 prikaza Bude! Ipak, najveća atrakcija je statua „Ležećeg Bude“, po kojoj čitav kompleks i nosi naziv. Statua je duga 46 m, visoka 15 m i predstavlja Buda u stanju nirvane, na kraju svojih reinkarnacija. Wat Pho je također poznat po tradicionalnoj školi tajlandske masaže. Kratka šetnja do rijeke i prelazak brodićem na drugu stranu do Hrama Zore (Wat Arun). Ovaj hram je jedan od najpoznatijih simbola cijelog Tajlanda i često prati svako njegovo predstavljanje. Transfer do kuće Džim Tompsona. Ovaj muzejski kompleks se sastoji od 6 tradicionalnih kuća od tikovog drveta, čiji su dijelovi dovoženi iz različitih dijelova Tajlanda. Sve u ovom kompleksu je autentično i odiše duhom i tradicijom Tajlanda. Kućice su okružene baštom i bujnim neobičnim rastinjem, pa predstavljaju pravu oazu u centru Bangkoka. Povratak u hotel u popodnevnim satima.

Cijena izleta obuhvata:

- ulaznicu za Grand Palace i Wat Phra Kaew
- ulaznicu za Wat Pho
- ulaznicu za Wat Arun
- ulaznicu za Jim Tompson's house
- stručnog licenciranog vodiča na engleskom jeziku tokom cijelog izleta
- organizovan prevoz po predviđenom itinereru

*Za ovaj izlet je potrebno ponijeti garderobu prikladnu za ulazak i obilazak budističkog hrama.

Ostrvo Koh Tao i Nang Yuan

Cijena: 65,00 EUR

Ostrvo Tao ili Ostrvo kornjača pripada Chumphon arhipelagu i nalazi se u Tajlandskom zalivu. Poznato je kao stanište rijetkih vrsta kornjača i kao područje omiljeno među ronionicima zbog bogatog podvodnog svijeta i divnih korala. Ostrva Nang Juan su još jedan skriveni dragulj Tajlandskog zaliva. Tri mala ostrva su potpuno spojena pješčanim sprudovima koji čine trougao kada se posmatraju sa vidikovaca. Odlikuje ih čisto bijeli pijesak i prozirna voda mora, poznata po najboljem snorklingu u toj oblasti. Polazak na izlet u jutarnjim satima. Dolazak u luku, mali predah za užinu, piće i kafu dobrodošlice i ukrčavanje na speed boat. Pristajemo u blizini ostrva Tao i imamo slobodno vrijeme za snorkling. Nakon snorklinga dolazimo na ostrva Nang Yuan, imamo slobodno vrijeme za ručak, kupanje i penjanje na vidikovac iznad ostrva. Povratak u luku, a potom i u smještaj u popodnevnim satima.

Cijena izleta obuhvata:

- povratni transfer smještaj – luka – smještaj
- vožnja speed boat-om
- ručak bez konzumacije pića
- maske za snorkling i life jacket-i
- ulaznica u nacionalni park

Authentic Local adventure - Koh Phangan

Cijena: 40,00 EUR

Polazak u jutarnjim satima i odlazak do kampa gdje ćemo imati priliku da se družimo sa slonovima. Provodimo dio dana igrajući se sa njima. Hranit ćemo ih bananama i šećernom trskom. Postoji opcionalna mogućnost jahanja slonova. Indokineski slon je jedna od 3 vrste slonova koje postoje danas u svijetu. Vrlo je uobičajeno da ih sretnemo na Tajlandu, a za slonove važi da su jedna od najinteligentnijih vrsta životinja, da imaju veoma dobro pamćenje i da mogu pokazivati različite emocije (sreća, tuga, radost, igra...). Nastavljamo avanturu sa zip line-om. Pravimo pauzu za ručak u nekom od lokalnih restorana. Potom se penjemo do vodopada i kupamo se na slapovima, a za kraj aktivnog dana ostavljamo uživanje na nekoj od najljepših plaža ostrva Phangan. U povratku stajemo da se slikamo sa oborenim palmom, poznatim simbolom zapadnog dijela ostrva. U smještaj stižemo u kasnim popodnevnim satima.

Cijena izleta obuhvata:

- organizovan prevoz po predviđenom itinereru
- lagana užina i piće dobrodošlice
- ulaznica za zip line
- ručak

Angthong National Marine Park

Cijena: 65,00 EUR

Angthong Marine je nacionalni park, arhipelag od 42 ostrva, poznat po svojoj nestvarnoj prirodnoj ljepoti. Nalazi se u Tajlandskom zalivu, nedaleko od Koh Phangana. „Zlatna činija“ ili „Angthong“ krije mnoštvo bijelih pješčanih plaža, skrivenih pećina i koralnih sprudova, savršeno ušuškanih u mozaiku krečnjačkih ostrva. Provest ćemo dan snorklajući u potrazi za rijetkim vrstama ribica, penjat ćemo se na vidikovce, šetat ćemo i uživati na najboljim plažama ovog parka. Polazak iz smještaja u jutarnjim časovima i transfer do luke. Mala pauza za užinu, voće, sokove i kafu dobrodošlice. Ukrčavanje na brod. Kupanje ili snorkling na Koh Wao ili na Koh Tay Plow. Idemo u potragu za šarenim tropskim ribicama. Pauza za ručak. Opcionalna vožnja kajacom na Ao Ka Beach, prolazak pored smaragdnog jezera Talay Nai. Kajacom se vozimo sve do Koh Mae Koh. Umjesto vožnje kajacom može se ostati na brodu: posjeta Mae Koh i pogled na Talay Nai. Uživamo pogledu na jezero okruženo visokim krečnjačkim grebenima i penjemo se na prelijepu



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

panoramu arhipelaga. Obilazak Koh Wua Talap ostrva. Izbor šetnje i obilaska mističnih krečnjačkih pećina ili penjanje na najljepši vidikovac Tajlandskog zaliva uz stjenovitu stazu ili odmor na plaži uz druženje sa majmunima. Povratak u luku, a potom u smještaj u kasnim popodnevnim satima.

Cijena izleta obuhvata:

- povratni transfer smještaj – luka – smještaj
- vožnja brodom
- užina i piće dobrodošlice
- ručak bez konzumacije pića
- oprema za snorkling
- ulaznica u nacionalni park
- lokalni vodič na engleskom jeziku

*Za ovaj izlet je potrebno ponijeti: kupaći kostim, šešir/kapu, vodu, kremu za sunčanje, rezervnu garderobu, patike za penjanje na vidikovce.

Smeštaj

Trang Hotel ***

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Trang Hotel se nalazi u starom dijelu Bangkoka u neposrednoj blizini čuvene Khaosan ulice. Hotel posjeduje i bazen. Sve sobe su klimatizovane, posjeduju mini bar i T/WC. Usluga je na bazi noćenja sa doručkom.

Sajt

<https://www.tranghotelbangkok.com/en-us>

Haad Yao Bayview Resort and Spa ***

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Haad Yao Bayview Resort and Spa 3* je hotel koji se nalazi na jednoj od najljepših plaža na ostrvu Phangan (Haad Yao). Hotel posjeduje otvoreni bazen i spa centar. Sve sobe su klimatizovane, posjeduju mini bar i T/WC. Usluga je na bazi noćenja sa doručkom.

Sajt

<http://www.haadyao-bayviewresort.com/>

Prevoz

Avion

Putnički avion (linijski *putnički avion* ili komercijalni transportni avion) veliki je avion prvenstveno namijenjen komercijalnom prevozu putnika i tereta.

Lokalni transfer

Kombi prevoz je prevozno sredstvo za manje grupe putnika, najčešće do 15 ljudi.

Autobus

Autobus je prevozno sredstvo namijenjeno prevozu grupa između 48 i 68 ljudi.

Brod

Brod je prevozno sredstvo koje se koristi na rijekama i morima.

Mesta

Beograd

Beograd je glavni grad Republike Srbije. U urbanom dijelu grada živi 1,23 miliona, a unutar administrativne teritorije grada gotovo 1,7 miliona stanovnika. Beograd je grad veoma burne historije i jedan od najstarijih urbanih cjelina u Europi. Njegova historija traje punih 7000 godina.

Bangkok

Bangkok je glavni i najveći grad Kraljevine Tajland i jedan od najvećih gradova Jugoistočne Azije. Nalazi se u Centralnoj regiji Tajlanda. Tajlandani Bangkok skraćeno zovu Krungtep, što u prevodu znači "Grad anđela", dok je svuda u svijetu poznato internacionalno ime Bangkok.

Ostrvo Phangan (Koh Phangan)

Ostrvo Phangan (Koh Phangan) je ostrvo koje se nalazi u Tajlandskom zalivu, u neposrednoj blizini veoma poznatog ostrva Koh Samui. Ostrvo je bogato preluhepim plažama i bujnom vegetacijom. Ovo ostrvo je najpoznatije po Full Moon Party-ju, žurci koja se organizuje svakog mjeseca u noći punog mjeseca, i po žurci Half Moon Party.

Korisne informacije

Tajland

OPŠTE INFORMACIJE



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Tajland, službeno Kraljevina Tajland, je država u jugoistočnoj Aziji. Na jugozapadu izlazi na **Andamansko more** (dio Indijskog okeana), a na jugoistoku na **Tajlandski zaliv** (dio Južnog kineskog mora). Graniči se sa **Mjanmarom**, **Laosom**, **Kambodžom** i **Malezijom**. Tajland je zemlja **ostrva**, **egzotičnih plaža**, **kristalnog mora**, **noćnog provoda**, **budizma**, **magije** i **avanture**.

Iako mnogi smatraju Tajland otokom, on je zapravo **kopnena država** koja ima izlaz na more, ali joj pripada više od 1400 otoka, među kojima su najpoznatija **Phuket**, **Koh Samui**, **Koh Pangan**, i **Krabi**. Osmijeh i gostoprimstvo Tajlandana čekaju vas na svakom koraku. Kupanje, masaže, bijeli pijesak, tirkizno, toplo more i izleti do obližnjih ostrva učinit će da se osjećate kao u raj.

- **Površina:** 513.120 km²
- **Broj stanovnika:** 69 miliona
- **Glavni grad:** Bangkok
- **Zvanični jezik:** tajlandski; engleski se koristi kao drugi jezik
- **Vremenska zona:** UTC +7

VIZA

Za državljane **Bosne i Hercegovine** neophodna je **turistička viza** za posjetu Tajlandu. Može se dobiti unaprijed putem ambasade u Budimpešti ili online kao e-viza. Za više informacija kontaktirajte nas putem maila kontakt@jungletribe.ba

KLIMA

Tajland ima **tropsku monsunsku klimu**. **Kišna sezona** traje od **maja do oktobra**, dok je **suha sezona** u periodu od **novembra do aprila**. Temperature su ljetne tokom cijele godine, između 20°C i 38°C. **Suha sezona** (novembar - maj) je idealna za putovanje.

HRANA I PIĆE

Tajlandska kuhinja je **vrlo raznovrsna** i spada među najbolje na svijetu. Ovdje dominiraju **riža**, **riba**, **nudle**, **piletina**, **voće** i **povrće**. Posebno popularno jelo je **Pad Thai**, koje sadrži rižine nudle s povrćem i mesom. Ulična hrana je vrlo ukusna i povoljna.

Obavezno je piti **flaširanu vodu**, a svježe **voće** i cijedeni **voćni sokovi** su dostupni na svakom koraku.

ZDRAVSTVENA SITUACIJA

Vakcinacija nije obavezna, ali je preporučljivo da se putnici raspitaju kod **Instituta za tropske bolesti**. Preporučuje se da ponesete **probiotike** i osnovne lijekove. Komarci su prisutni, pa je korisno imati sredstvo protiv komaraca poput **Autana**.

- **Bumrungrad International Hospital** u Bangkoku (tel. +662 667 1000)
- **Phuket International Hospital** (+6676249-400)

OSIGURANJE

Osiguranje nije obavezno uzeti u agenciji, ali se preporučuje. Ukoliko putno osiguranje uzimate kod drugih osiguravajućih kuća potrebno je da uzmete osiguranje koje pokriva do 30.000 EUR.

SIGURNOST I BEZBJEDNOST

Tajland je generalno **sigurna destinacija**, ali je preporučljivo biti oprezan. Čuvajte lične dokumente i novac, izbjegavajte kasne noćne šetnje sami **ne koristite drogu**, jer je **strogo zabranjena zakonom**.

ODJEĆA

Ponesite **laganu garderobu** zbog visokih temperatura. Kod posjeta hramovima potrebno je **pokri vanje nogu i ramena**. Usluge pranja odjeće su vrlo povoljne.

NOVAC

Zvanična valuta je **tajlandski baht (THB)**. Odnos eura prema batuu je oko **1 EUR = 36 THB**, dok je za dolar **1 USD = 33 THB**. Korištenje bankomata je široko rasprostranjeno, ali ima proviziju od oko 6 EUR po transakciji. Preporučuje se korištenje **gotovine**, a kartice se mogu koristiti uz prethodnu najavu banci.

KOMUNIKACIJA

Naše mobilne mreže funkcionišu na Tajlandu, a lokalne **SIM kartice** su lako dostupne. **WiFi** je prisutan u svim smještajima i restoranima. Također ukoliko vaš mobilni telefon podržava E-SIM, vrlo lako možete kupiti E-SIM preko aplikacija poput **AIRALO** aplikacije.

PREPORUKA

Posjetite neki od mnogih **spa centara** ili pohađajte kurs **meditacije**. Tajlandska masaža je također vrlo popularna i možete je pronaći po povoljnim cijenama.

Važne napomene

Opšte napomene:

- Organizator putovanja je JUNGLE TRAVEL sa licencom OTP 266/2010.
- Prilikom prijave potrebno je dostaviti kopiju pasoša/podatke pasoša sa kojim će putnik putovati na samo putovanje. Obavezno je da putnik proveri trajanje i ispravnost putnog dokumenta, kao i broj slobodnih stranica potrebnih za putovanje.
- Svi pasoši moraju imati rok važenja minimum 180 dana (6 mjeseci) od dana povratka u zemlju.
- Organizator putovanja zadržava pravo promjena pojedinih sadržaja u programu usljed vanrednih okolnosti i stvari koje agencija ne može predvidjeti, u vrijeme zaključenja ugovora.
- Organizator putovanja nije ovlašten i ne cijeni valjanost putnih i drugih isprava.
- Za sve informacije date usmenim putem agencija ne snosi odgovornost.
- Potpisnik Ugovora o putovanju ili predstavnik grupe putnika obavezan je da sve putnike upozna sa ugovorenim programom putovanja, uslovima plaćanja i viziranja i

OPŠTIM USLOVIMA PUTOVANJA JUNGLE TRAVEL-a.

- Putnici su dužni da dva dana pred put provjere tačno vrijeme i mjesto polaska grupe.
- Putnik je dužan da se sam upozna sa pravilima ponašanja zemlje u koju putuje i da poštuje važeće zakonske carinske propise.
- U prevoznim sredstvima je najstrožije zabranjeno pušenje, konzumiranje alkohola i opojnih sredstava.
- Putnici su dužni da, u autobusu i drugim prevoznim sredstvima kojima se vrši transfer, ostanu na svojim mjestima, i ne smiju ih napuštati na mjestima koja nisu predviđena za pauze (granice, check point stanice, naplatne rampe itd). U slučaju da putnik napusti vozilo bez prethodnog dogovora sa predstavnikom agencije, sam snosi sve eventualne troškove i posljedice.
- Putnik koji svojim neadekvatnim ponašanjem uznemirava druge putnike ili ometa vozače i pratioca u poslu, bit će odmah isključen sa putovanja i sva odgovornost prelazi na njega bez prava na žalbu i povrat novca.
- Putnik je dužan da poštuje satnicu određenu od strane predstavnika agencije na putovanju, u suprotnom predstavnik agencije ima pravo da putnika isključi sa putovanja.
- U turističkim autobusima nije moguća upotreba toaleta; u skladu sa planom i programom puta pauze se prave na 3-4 sata (u zavisnosti od lokacije i opremljenosti benzinske stanice) koje putnici mogu iskoristiti za upotrebu toaleta.
- Agencija određuje raspored sjedenja, mjesto polaska, mjesta za pauzu i dužinu iste; uplatom prevoza, putnik prihvata sve gore navedeno, bez prava na prigovor i žalbu.
- Aranžman je rađen na bazi od minimum 10 putnika za daleka putovanja i 50 putnika za evropska putovanja.
- Za slučaj nedovoljnog broja putnika za realizaciju aranžmana ili drugih objektivnih okolnosti, organizator putovanja obavještava putnike o otkazu aranžmana najkasnije 10 dana prije datuma polaska za daleka putovanja i 5 dana prije datuma polaska za evropska putovanja.
- Kod aranžmana koji uključuju prevoz avionom, nakon kupovine aviokarata nemoguće je refundiranje istih i u tom slučaju važe uslovi avio kompanija.
- Kod aranžmana koji uključuju prevoz low cost avio kompanija, u slučaju odlaganja leta, otkaza ili gubitka konekcije putnici su dužni da sami plate novonastale troškove i agencija ne može da utiče na okolnosti koje su van njenog dometa.
- Cijene low cost aranžmana podložne su promjenama i po uplati avansa se provjeravaju tarife i putniku se potvrđuje cijena aranžmana.
- Agencija ne snosi odgovornost usljed promjena aviokonekcija od strane aviokompanije.
- Satnice letova navedene u planu i programu ili dobijene od strane agencije podložne su promjeni i isključivo zavise od aviokompanije.
- Agencija zadržava pravo odabira prevoznog sredstva za transfere i vrši ih do smještaja odakle je to fizički moguće.
- Za sve ponuđene ili dostupne opcione doplate u vezi sa planom i programom puta ili smještajem, potrebno je izjasniti se prilikom prijave za putovanje.
- Ukoliko neki putnik sam odluči da promijeni dio plana i programa puta, agencija nema odgovornost da tom putniku obezbijedi transfer/raniji ili kasniji check in ili check out u smještaj/druge noćenja u smještajima, od onoga što je predviđeno planom i programom puta.
- Maloljetni putnici prilikom putovanja moraju imati ovjerenu saglasnost roditelja.
- Zbog poštovanja satnica predviđenih programom putovanja, kao i poštovanja vremena ostalih putnika iz grupe, ne postoji mogućnost zadržavanja na granici koja predstavlja izlazak iz Evropske Unije, radi ovjere računa i povrata poreza iz Evropske Unije (TAX FREE)
- Naša preporuka je da povedete računa na Vašem putovanju o ličnim dokumentima i novcu.
- Za ovaj aranžman primjenjuju se OPŠTI USLOVI PUTOVANJA uskladeni sa UTABIH standardom.

Napomene u vezi sa smještajem:

- Organizator putovanja, JUNGLE TRAVEL, zadržava pravo rasporeda po sobama, u skladu sa strukturom soba smještajnog objekta; ukoliko postoji mogućnost, agencija se trudi da izađe u susret željama putnika (molimo Vas za razumijevanje, budući da je ovo putovanje zamišljeno kao dobra zabava i avantura).
- U smještajne objekte se ulazi prvog dana boravka u skladu sa pravilima tog smještajnog objekta. Najčešće je check-in u popodnevnom satima (14h ili 15h), a check-out je posljednjeg dana boravka najčešće do 10h ili 11h.
- Opisi smještajnih objekata su informativnog karaktera.
- Neki od dopunskih sadržaja smještajnih objekata su dostupni uz doplatu. Postoji mogućnost odstupanja i promjena oko dostupnosti nekih sadržaja, jer isključivo zavise od smještajnih objekata (npr. sef, parking, mini-bar, TV, klima uređaj...)
- Putnik je dužan da poštuje pravila smještajnog objekta i sam snosi odgovornost usljed sankcionisanja od strane osoblja smještajnog objekta.
- U nekim smještajima Azije, Afrike i Latinske Amerike nema vruće vode.
- Smještajni kapaciteti vrše smještaj putnika i određuju raspored i tip soba prema svojoj raspoloživosti u datom trenutku. Agencija nije u mogućnosti da klijentima potvrdi da li će kreveti biti twin (razdvojeni) ili double (veliki francuski ležaj), kao ni spratnost u samom smještaju, osim ukoliko to nije posebno naznačeno Ugovorom. Klijent je uplatom aranžmana saglasan sa tom činjenicom i uslovima smještaja bez prava na žalbu.
- Putnici koji putuju sami u nekim programima imaju mogućnost da uz doplatu budu sami u jednokrevetnoj sobi. Ukoliko putnik želi da se spoji sa nekim drugim putnikom iz grupe i ne želi da plaća doplatu, prihvata da se spoji sa bilo kojom osobom iz grupe, bez obzira na godine i pol saputnika. U tim situacijama, agencija apsolutno ne odgovara za bilo kakve eventualne neprijatnosti ili neslaganja koje putnici mogu da imaju na putu.

Napomene u vezi sa fakultativnim izletima:

- Fakultativni izleti nisu obavezni dio putovanja.
- Termini i cijene fakultativnih izleta su promjenljivi i zavise od slobodnih termina po lokalitetima, broja prijavljenih putnika i objektivnih okolnosti.
- Fakultativni izleti se realizuju od strane lokalnih agencija i Jungle Travel nije u mogućnosti da utiče na stvari Van dometa agencije vezane za samu realizaciju izleta.
- Fakultativne izlete vode lokalni vodiči na samim lokalitetima na engleskom jeziku. Uplatom izleta putnik prihvata sve uslove lokalne agencije bez prava na žalbu.
- Agencija ne može uticati na dužinu trajanja putovanja do lokaliteta, vremena polaska, povratka ili obilazaka kao ni stručnost lokalnih vodiča.
- Prilikom uplate fakultativnog izleta, putnik prihvata uslove lokalne agencije, organizatora fakultativnog izleta, i dužan je da o uslovima obavijesti saputnike za koje uplaćuje izlet. Bilo kakve naknadne izmjene, promjene i odustajanja od izleta nakon uplate, nisu moguća, niti je moguće u bilo kojim okolnostima refundirati uplaćeni novac.
- Molimo sve putnike da se prije uplate fakultativnog izleta upoznaju sa predviđenim itinerarom i uslovima fakultativnog izleta.

Napomene u vezi sa vizama:

- Putnici su u obavezi da se upoznaju sa viznim režimom države u koju putuju.
- Pojedine ambasade zahtjevaju lično prisustvo putnika prilikom viziranja i putnici su dužni da pravila ambasade ispoštuju.
- Putnici su dužni da dokumenta za viziranje dostave najkasnije mjesec dana prije putovanja, a ukoliko ih ne dostave u navedenom roku, dužni su da sami obezbijede vize za putovanje.
- Putnici koji ne posjeduju nove biometrijske pasoše BiH dužni su da se sami upoznaju sa viznim režimom države u koju putuju i da sami obezbijede vize za putovanje.
- Agencija ne garantuje dobijanje vize i nije ovlaštena da utvrđuje validnost dokumenata.



Jungle Travel d.o.o.

Branilaca Sarajeva 20/I,
71000 Sarajevo

PIB: 4202134850007

MB:

Broj licence:

Tekući račun:

Telefon: 033 552-552

E-mail: kontakt@jungletribe.ba

Sajt: www.jungletribe.ba

-
- U slučaju nedobijanja vize agencija ne snosi odgovornost.